



Broj: 05-036- 43/18

Sarajevo, 12.03.2018. godine

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine («Sl.glasnik BiH» br.39/14), nakon provedenog Otvorenog postupka javne nabavke radova, a na osnovu Preporuke broj 03-033-244/18 od 09.03.2018.godine i Izvještaja Komisije za javnu nabavku, Direktor Zavoda za izgradnju Kantona Sarajevo **d o n o s i**

O D L U K U

o dodjeli ugovora

1. **Dodjeljuje se** ponuđaču „**TB Inženjering**“ d.o.o. Breza ugovor za „**Sanaciju klizišta na lokalitetu Žunovnica, Općina Hadžići**“, u vrijednosti **66.222,00 KM** sa uključenim PDV-om, obzirom da je podnio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
2. Ova Odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javnog nadmetanja broj: 05-036-8/18 od 16.01.2018.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju, objavio Obavještenje o nabavci broj: 285-1-3-4-3-8/18 na portalu javnih nabavki i objavio tendersku dokumentaciju za „**Sanacija klizišta na lokalitetu Žunovnica, Općina Hadžići**“ – e aukcija na portalu javnih nabavki u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15).

Javna nabavka za „**Sanacija klizišta na lokalitetu Žunovnica, Općina Hadžići**“ – e aukcija“ oglašena je u „Sl. glasniku BiH br. 6/18 od 26.01.2018.godine.

Iz Izvještaja o preuzimanju tenderske dokumentacije preuzetog sa portala javnih nabavki na osnovu objavljenog obavještenja broj: 285-1-3-4-3-8/18 vidljivo je da su tendersku dokumentaciju preuzeli: „Music Company“ d.o.o. Hadžići, „GD Grazit“ d.o.o. Mostar, „Grakop“ d.o.o. Kiseljak, „eKapija“ d.o.o. Sarajevo, „BBS Europe“ d.o.o. Istočno Sarajevo, „Harysco“ d.o.o. Sarajevo, „MGBH“ d.o.o. Sarajevo, „BH Tehnika“ d.o.o. Hadžići, ZZ „Gros-Comp“ Hadžići, Udruženje za borbu protiv korupcije „Transparency International“ Bosna i Hercegovina, „Top Tim Tri“ d.o.o. Sarajevo, „Orman“ d.o.o. Kiseljak, „Bucomerc“ d.o.o. Kiseljak, „GO Ing“ d.o.o. Sarajevo, „TB Inženjering“ d.o.o. Breza, „Tuzlić Inženjering“ d.o.o. Breza, Građevinski fakultet u Sarajevu i „Beta company“ Kakanj.

Iz Izvještaja Komisije je vidljivo da se Komisija sastala dana 08.02.2018.godine, radi preuzimanja i otvaranja ponuda za „**Sanacija klizišta na lokalitetu Žunovnica, Općina Hadžići**“ – e aukcija“ koju u su podnijeli ponuđači: „Grakop“ d.o.o. Kiseljak, „TB Inženjering“ d.o.o. Breza, „MGBH“ d.o.o. Sarajevo i „Harysco“ d.o.o. Sarajevo.





Komisija je otvorila ponude svih ponuđača i iz „Obrasca za cijenu ponude“ i „Obrazca za ponudu“ pročitala ponuđenu cijenu ponuda, dok su rokovi izvođenja radova, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Na otvaranju ponuda prisustvovao je ovlaštenu predstavnik ponuđača „TB Inženjering“ d.o.o. Breza.

Komisija se ponovo sastala dana 13.02.2018.godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih radova.

Komisija je konstatovala slijedeće:

- Ponuđač „**Grakop**“ d.o.o. **Kiseljak** dostavio je tehnički zadovoljavajuću ponudu i ispunio sve uslove iz prava učešća propisane članom 45 do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12, 13, 14, 15 i 16. tenderske dokumentacije, pa je ponuda ponuđača „Grakop“ d.o.o. Kiseljak **prihvaćena**.
- Ponuđač „**TB Inženjering**“ d.o.o. **Breza** dostavio je tehnički zadovoljavajuću ponudu i ispunio sve uslove iz prava učešća propisane članom 45 do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12, 13, 14, 15 i 16. tenderske dokumentacije, pa je ponuda ponuđača „TB Inženjering“ d.o.o. Breza **prihvaćena**.
- Ponuđač „**MGBH**“ d.o.o. **Sarajevo** dostavio je tehnički zadovoljavajuću ponudu i ispunio sve uslove iz prava učešća propisane članom 45 do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12, 13, 14, 15 i 16. tenderske dokumentacije, pa je ponuda ponuđača „MGBH“ d.o.o. Sarajevo **prihvaćena**.
- Ponuđač „**HARYSCO**“ d.o.o. **Sarajevo** dostavio je tehnički zadovoljavajuću ponudu i ispunio sve uslove iz prava učešća propisane članom 45 do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12, 13, 14, 15 i 16. tenderske dokumentacije, pa je ponuda ponuđača „HARYSCO“ d.o.o. Sarajevo **prihvaćena**.

Nakon izvršene računске kontrole, utvrđeno je da su ponude ponuđača čije su ponude prihvaćene dostavili računski tačne ponude.

Računski ispravne ponude prema redosljedju zaprimljenih ponuda (cijene bez PDV-a prije e-aukcije“ dostavili su slijedeći ponuđači:

1. „ TB INŽENJERING “ d.o.o. Breza	58.864,05 KM
2. „ MGBH “ d.o.o. Sarajevo	63.477,50 KM
3. „ HARYSCO “ d.o.o. Sarajevo	72.973,30 KM
4. „ GRAKOP “ d.o.o. Kiseljak	72.998,12 KM

Tenderskom dokumentacijom je predviđeno da se u predmetnom postupku javne nabavke, u skladu sa Pravilnikom o uslovima i načinu korištenja e-aukcije („Službeni glasnik BiH“ br.66/16) proveden e-aukcija. Nakon provedene e-aukcije, a na osnovu Izvještaja o toku i završetku e-aukcije sa Portala javnih nabavki, Komisija će sačiniti rang listu prihvatljivih ponuda za predmetni postupak javne nabavke i unijeti konačne cijene ponuda u Zapisnik o ocjeni ponuda koji čini sastavni dio Odluke o izboru najpovoljnijeg ponuđača.

Obzirom da je tenderskom dokumentacijom predviđena e- aukcija, ista je zakazana je za dan 21.02.2018. godine i uspješno je završena. Nakon dostavljanja Izvještaja o toku i završetku e-aukcije sa Portala javnih





nabavki, Komisija je sačinila rang listu prihvatljivih ponuda za postupak javne nabavke za "Sanacija klizišta na lokalitetu Žunovnica, Općina Hadžići" kako slijedi (cijene bez PDV-a):

1. „TB INŽENJERING“ d.o.o. Breza.....56.600,00 KM
2. „MGBH“ d.o.o. Sarajevo.....56.700,00 KM
3. „HARYSCO“ d.o.o. Sarajevo.....72.973,30 KM
4. „GRAKOP“ d.o.o. Kiseljak.....72.998,12 KM

Komisija za javnu nabavku, nakon ocjene ponuda i u skladu sa kriterijem "najniža cijena", a nakon provedene e-aukcije konstatuje da je najpovoljnija ponuda ponuđača „TB INŽENJERING“ d.o.o. Breza i predlaže njegov izbor:

1.	Naziv / ime ponuđača	„TB INŽENJERING“ d.o.o. Breza
2.	Adresa	Bosanska 40, 71.370 Breza
3.	Ukupna cijena ponude bez PDV-a	56.600,00KM
4.	Ukupna cijena ponude sa PDV-om	66.222,00 KM

Komisija je dala Preporuku Ugovornom organu da se u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14) **dodijeli** ugovor za „Izvođenje radova na sanaciji klizišta na lokalitetu Žunovnica, Općina Hadžići“ ponuđaču „TB INŽENJERING“ d.o.o. Breza pod rednim brojem 1, obzirom da je u Otvorenom postupku ponudio najnižu cijenu tehnički zadovoljavajuće ponude.

Shodno navedenom Ugovorni organ je prihvatio preporuku Komisije i donio Odluku kao u dispozitivu.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi **putem Ugovornog organa**. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka. **Naknada za pokretanje žalbenog postupka iznosi 800,00 KM i podnosi se Uredu za razmatranje žalbi**, a u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog:

-Zapisnik o ocjeni ponuda

DOSTAVITI:

1. „TB INŽENJERING“ d.o.o. Breza
2. „MGBH“ d.o.o. Sarajevo
3. „HARYSCO“ d.o.o. Sarajevo
4. „GRAKOP“ d.o.o. Kiseljak

